



## DIPLOMA U ISLAMSKIM NAUKAMA 2021.

Fakultet islamskih nauka dugi niz godina organizuje u našoj zemlji jedinstven program pod nazivom *Diploma u islamskim naukama*. Program je namijenjen svima koji žele steći nove uvide i produbiti postojeća znanja o temeljnim pojmovima, vrijednostima i vjerovanjima što su oblikovala muslimansko mišljenje, duhovnost i umjetnost, te društvene i pravne ustanove, posebno na tlu Bosne i Hercegovine.

Program je otvoren za sve koji žele učiti bez obzira na lična uvjerenja i opredjeljenja. Dosadašnji polaznici dolazili su iz različitih sfera društva, bili su to studenti postdiplomci, novinari, diplomati, penzioneri, uposlenici u školstvu, kulturi, politici, upravi i nevladinom sektoru, muslimani i nemuslimani, domaći ljudi i stranci.

Program se odvija u dva odvojena toka – na bosanskom i na engleskom jeziku. Održavanje programa po grupama ovisi o broju prijavljenih (minimalan broj prijavljenih za program na bosanskom je 20, a na engleskom 10). Predavanja se inače održavaju u historijskom ambijentu Fakulteta, čija zgrada potječe iz 1887. godine i značajan je spomenik bosanske arhitekture iz austrougarskog perioda. Zbog epidemiološke situacije 2021. godine program će se održati **online**. Polaznici po okončanju programa stječu *certifikat* o uspješnom savladavanju sadržaja.

Predavanja drže istaknuti profesori i saradnici Fakulteta islamskih nauka.

### STRUKTURA PROGRAMA

Program obuhvata dvije oblasti podijeljene u ukupno osam modula: *Uvod u islam* (Kratak pregled historije islama; Uvod u islamsku doktrinu; Islamski sveti tekstovi; Islamsko pravo i etika; Uvod u islamsku filozofiju) i *Islam u Bosni i Hercegovini* (Historija muslimanske kulture Bosne; Islamske institucije u BiH i Savremeno islamsko mišljenje u BiH). Program uključuje i posjetu islamskim ustanovama u Sarajevu. Predavanja se održavaju svakog utorka i četvrtka u periodu od 18:00 do 20:00. Detaljan raspored predavanja bit će utvrđen na početku programa.

Nastava počinje 19. januara, a završava krajem aprila 2021. godine.

### VREDNOVANJE

Za stjecanje certifikata od polaznika programa *Diploma u islamskim naukama* očekuje se:

- pohađanje nastave i aktivno sudjelovanje na časovima – najmanje 80%;
- pisani rad o odabranoj temi u saradnji sa mentorom.

## UVJETI ZA UPIS

Uvjet za pohađanje programa *Diploma u islamskim naukama* jeste:

- univerzitetska diploma iz bilo koje discipline, ili
- diploma četverogodišnje srednje škole i najmanje tri godine radnog iskustva.

## PRIJAVA I REGISTRACIJA

Za upis na program *Diploma u islamskim naukama* potrebno je popuniti prijavni obrazac dostupan na internet stranici Fakulteta islamskih nauka u Sarajevu (<https://fin.unsa.ba/diploma-u-islamskim-naukama/>).

Popunjten obrazac može se dostaviti putem e-maila: [mirzeta.brkic@fin.unsa.ba](mailto:mirzeta.brkic@fin.unsa.ba) ili [vedad.huric@fin.unsa.ba](mailto:vedad.huric@fin.unsa.ba) najkasnije do nedjelje, 10. januara 2021.

Prijave možete poslati i putem pošte ili lično na adresu: Fakultet islamskih nauka, Ćemerlina 54, 71000 Sarajevo; putem faksa: +387 33 251 044.

## CIJENA PROGRAMA

Učesnik snosi troškove programa u iznosu 250 KM (dvjestopedeset konvertibilnih maraka) za program na bosanskom jeziku ili 1.100 KM (hiljaduisto konvertibilnih maraka) za

program na engleskom jeziku. U cijenu je uključen dio literature u digitalnom obliku.

Primljeni kandidati trebaju izmiriti troškove upisa prije početka predavanja krajem januara 2021., uplatom na račun Rijaseta Islamske zajednice u BiH kod Vakufske banke d.d., na žiro račun: 1602005500015065, s naznakom: *Upłata za program Diploma u islamskim naukama*; iznos uplate: 250KM (za program na bosanskom) ili 1.100 KM (za program na engleskom). Po dogovoru, uplata se može izvršiti i u dvije rate, prva prije početka predavanja i druga početkom marta 2021. Sve dodatne informacije mogu se dobiti od: koordinatora projekta Mirzete Brkić ([mirzeta.brkic@fin.unsa.ba](mailto:mirzeta.brkic@fin.unsa.ba)), Vedada Hurića ([vedad.huric@fin.unsa.ba](mailto:vedad.huric@fin.unsa.ba)) i direktorice Programa prof. dr. Zehre Alispahić ([zehra.alispahic@fin.unsa.ba](mailto:zehra.alispahic@fin.unsa.ba)).

## O FAKULTETU ISLAMSKIH NAUKA

Fakultet islamskih nauka najstarija je visokoškolska islamska ustanova u Bosni i Hercegovini. Osnovan je 1977. godine kao Islamski teološki fakultet. Nastavljač je višestoljetne tradicije školstva iz doba osmanske uprave, te Šerijatske sudačke škole iz 1887. godine, kasnije preimenovane u Višu islamsku šerijatsko-teološku školu – prve moderne islamske visokoškolske ustanove u

našoj zemlji. Fakultet se danas nalazi u zgradи nekadašnje Šerijatske sudačke škole sagrađene u prepoznatljivom neomaurskom stilu. Od septembra 2004. godine FIN djeluje kao pridružena, a od 2013. kao punopravna članica Univerziteta u Sarajevu.



## KONTAKTI

Fakultet islamskih nauka  
Univerzitet u Sarajevu  
Ćemerlina 54, 71000 Sarajevo  
Tel.: 033 232 982 / 033 251 052  
Faks: 033 251 044

Web: [www.fin.unsa.ba](http://www.fin.unsa.ba)  
FB: Diploma u islamskim naukama/Diploma in Islamic Studies  
E-mail: [mirzeta.brkic@fin.unsa.ba](mailto:mirzeta.brkic@fin.unsa.ba)  
[vedad.huric@fin.unsa.ba](mailto:vedad.huric@fin.unsa.ba)